

KON; apang kon ibá ro, anag buót singhanon hay iga sueát nga *ku*, halimbawà: Binaton *ko* ro imo nga sueát *ku* isaeáng hapon.

Imaw ag Maw

Gina sueát nga *imaw*, kon gina dapat nga salit sa ngaean o kon do pag gamit hay *pronombre*, nga kon sa kinatsilá hay *él. là, le, lo*, o kon iniglés hay *he, she, it*. Gina sueát nga *maw* kon do kahueogan hay *amó* (hiligaynon). Pananglitan:

“Si Rizal abù ro anang mga abyan nga taga ibang eugtá, ag *imaw* (si Rizal) hay may gin aywan nga handumanan kay Blumentritt tandá ku andang maeueot nga pagabyan: ro anda ngaráng maeueot nga pagabyan *maw* ro kabangdanan nga sa Kalibo ro isaeáng daean nga naga bangday sa Daeang Rizal hay gin ilisan it ngaean, ag do binutáng hay *maw* do Blumentritt.”

Indi ag Di; Owa ag Wa

Ro *indá* ag *owa* hay iga sueat nga *di* ag *wa* kon sanda hay una nga hambae ku hugpong, naga sunód sa bisaeá nga ra katapusan nga letra hay *a, i, e, o, u, y*, ag *e*, kon rayang ulihi (*e*) hay gina gamit nga *vocal*. Halimbawà: Si Ana *di* kahalín sa baeáy, tungód nga *wa* it ibilin, ag ikaw *indi* man kaadto ay *wa't* gabantay ku atong anwang.”